

兩  
浙  
名  
賢  
錄

兩浙名賢錄卷四十目次

才望

明二

太常寺卿王惟臣獻

太常寺卿呂秉之憲

吏部侍郎楊惟立守卅

翰林院編修戚文湍瀾

河南布政楊名父子器

雲南布政使薛之綱綱

翰林院檢討朱文佩綬

刑部尚書屠元勳勳

子孫附

工部尚書俞德彰琳

刑部尚書韓大經邦問

父附

都察院右都御史周南

翰林院學士豐原學熙

吏部左侍郎李子暘旻

四川左布政使陶時明照

左長史張廷光景明

右僉都御史徐章甫錦

副都御史陸容之鈞

季父  
健附

副都御史王天宇應鵬

右副都御史錢可容宏

河南按察副使陳約之束

大理寺少卿羅質夫輅

右僉都御史秦懋功鉞

右僉都御史張子清灋

侍讀學士姚維東涑

刑部侍郎楊章之大章

廣西按察使陸選之鈐

刑部主事胡文徵憲仲

監察御史沈汝材楠

太常寺少卿傅朝鳴佩

南京司業朱象玄大韶

副使卜吉夫大同

弟大有  
大順附

四川副使顧曰翔紳

國子助教司馬式古軫

禮部尚書閔師望如霖

禮部尚書秦子豫鴻雷

廣東左叅政吳汝瑩玳

禮部尚書汪振宗鏜

福建左叅政馮明卿臯謨

右春坊屠文升應垓

附子孫

廣東右叅政管道夫見

廣東副使王育叔裸

附祖父

湖廣右叅議蔣汝才劬能

兩浙名賢錄卷之四十目次終

兩浙名賢錄卷之四十

東海徐象梅仲和氏謨

武塘丘遂叔遂氏閱

才望

明二

共四十九人

太常寺卿王惟臣獻

王獻字惟臣、仁和人、天賦穎異、羈貫日誦數千言、過目  
卽終身不忘、年十七、領鄉書、登景泰辛未進士第、與狀  
元柯潛等二十八人、同進學東閣、賜居第、及大官酒饌、



及膏紙費、命內閣大臣典領之、不別立師傅、不出就外署、一如永樂初科故事、獻感際遇、益肆力於學、工古文詞、在同官中、最稱敏贍、尋授編修、修寰宇通志、陞修撰、入內閣、授中貴人書、癸未春、同考會試、會貢院火、秋復試、復爲同考、是科先後兩人、簾不改命者、唯獻一人、已而聞父喪、卽日陞辭、星夜行抵家、治喪葬、戚易兩至、時日、與鄉人接、恂恂謹厚、無一毫早達貴侈之態、人以爲難、尋用薦起復之、疏乞終制、服闋、陞左春坊左諭德、兼修撰、克經筵日講官、陞翰林學士、賜金帶、本朝學士、非

典密務侍日講者皆不與是賜蓋異數也丁酉朝廷用  
儒臣議追崇先聖禮樂遣獻祭告闕里比還適所嘗與  
修宋元通鑑成陞詹事府少詹仍兼學士戊戌皇太  
子出閣命侍講讀於文華殿與修文華大訓成陞太常  
寺卿兼官如故蓋自擢第入翰林歷三十有七年先後  
擢院章者十有六年而年已五十餘矣後進推之爲先  
達知已期之於大用然訖不登樞筦屢要劇少展其抱  
負以死君子惜之

太常寺卿呂秉之憲

呂憲字秉之嘉興人文懿公原之子生有異質書過目輒成誦甫貫卅卽精故訓尤善度時事多曲中文懿竒之以蔭補國子生授中書舍人猶刻志文學居常手不釋卷每以不階身科目爲恨上疏乞應試報可言者以爲非例憲廟獨允之遂中順天辛卯鄉試仍官中書秩滿遷主客員外郎進郎中時琉球國乞歲一入貢謂子之事父定省不可間其意實利於賈市以自便耳廷議難之而患無辭憲請折之云若知父子之禮當遵父命衆服其言西夷回回奏乞取廣東道歸國朝廷將從

之憲執不可曰西域貢有常道更之恐有他寡且經涉江海萬餘里勞費將不貲遂寢其奏擢南京太僕寺少卿故事太僕馬數不得爲人所窺文卷例不刷浸以磨滅登耗無所於考憲曰他官不與知是也太僕所掌何事而可罔聞乎乃建白凡馬政卷許太僕官歲一照刷以爲例未幾改通政進太常寺卿祀事多更張卷牘浩穰至或相牴牾乃采輯累朝沿革爲條例若干卷事至按而行之至今賴以無誤大學士楊一清稱其志存澤物而久官閒散不克自展布其政事終爲文學所掩云

吏部左侍郎楊惟立守阯

楊守阯字惟立文懿公守陳之弟也文懿文名擅天下守阯家自師友稱文豪舉成化戊子鄉貢第三戊戌禮部第四廷試第二授翰林院編修歷官南京吏部右侍郎進左七十引年進尚書致仕逆瑾竊政矯詔奪所加秩瑾敗乃復家居七年一日筆語於冊曰學文師韓吏部學道師程伊川官同吏部二品壽過伊川二年文章可得而聞望道而未之見困學勉行老而不倦守正疾邪至死不變越五日卒壽七十七贈太子少保遣官諭

祭葬如例。守陞文學論議。隱然有文懿風。履歷亦略相似。而舉解元爲學士。爲少宰。對畧兩京翰院。亦稱奇云。

翰林院編修戚文湍瀾

戚瀾字文湍。餘姚人。以庶吉士歷官編修。雖居木天清華之地。而意象翛然。常欲駕風雲而斥八極。覺非人世榮利可得而羈。筴者天順初。予告歸省。歲餘詣京。晚渡錢塘。風濤大作。有絳紗燈數百對。照耀江水。丈夫九人。怕首袴鞬。帶劍乘白馬。飛馳水面。一舟皆懼。瀾曰。毋懼。我知之矣。推窓謂九人曰。若非桑將軍九弟兄耶。皆跪。

而應曰然曰去吾喻矣須臾風息浪平瀾卽命舟人返棹歸謂家人曰吾某日逝矣及期沐浴朝服端坐頃之向九人者率甲士來迎戈戟旌旗晃耀閃爍遂卒卒後車騎騰蹕前後若有所呵衛者隱隱入空而滅

河南左布政使楊名父子器

楊子器字名父慈谿人成化丁未進士授常熟縣知縣因時立政盡然歸於禮法稅入常後期下令先輸者無札期日通加旣乃以多益寡耗足轉稅而民無敢後考最召補吏部考功主事轉陞郎中驗封每與同官談治

體自六部達諸鎮能歷道其故及當變通之宜北虜時  
時蹂塞下嘗陳邊務數十事大司馬以爲才孝陵山  
陵初起子器聞有水石爲病上疏極言之下詔獄執不  
變已而果然遂還舊職時逆瑾方橫會有議薦者擬子  
器翰林聞之亟爲書辭於內閣事爲之寢當是時辭難  
處辭尤難識者避之未幾遷湖廣右叅議分守辰常道  
會郴桂賊起遂請改道自效冒暑提兵討平之陞福建  
提學副使以進表至京會轉河南右叅政時方以郴桂  
積勞成疾而東賊且將渡河天又寒甚有勸緩行者子



器亟騎而往。至嵩縣卽居守。賊方走湖廣。子器曰。賊逼土兵必復向汝州。洛陽。審籬備不可缺。乃自嵩馳赴之。賊至。子器輟食登城。晝夜調度。手書示城中人曰。不上城及上而輟下者皆斬。旣而有將下從賊者。卽斬以徇。城守益堅。賊遂引去。進右布政使。以湖廣。郴。貴功。受金綺之賜。入覲北行。卒於衛輝之驛舍。年五十有六。子器性介直。濟以和易。與人交能以量容。以情恕。不能以辭色假故人於子器。無喜怒而有媿感。性惡華侈。仕至方伯。服食如平生。時有媿遺於故舊。儀而不貨。或問之。子

器曰吾生平惡貨交而顧交人以貨是居已於清而居人於濁也故不敢

雲南布政薛之綱綱

薛綱字之綱山陰人以進士拜御史巡按陝西其所建明皆邊防大計已督學南畿學政振舉擢湖廣副使督學如初歷廣東按察使雲南布政皆善其職以老乞歸尋卒於家綱簡直夷坦不矯激而能持正爲文醇雅有深沉之思所著有三湘集榕陰鼓吹等篇藝林多稱之吏治文學遂爲一時冠冕

翰林院檢討朱文佩綬

朱綬字文佩秀水人成化丁未進士授翰林院檢討侍  
岐王講讀弘治庚戌王出就府邸奄宦專權輔導臣僚  
殆爲虛位綬據例抗疏孝廟是之頒行諸藩國自是  
政務悉隸輔臣永遵舊典越遷楚藩左相內艱服闋改  
相晉藩時王年羣世子世孫俱薨有欲竊柄者幽王魯  
孫於別宮潛奏權國上下疑莫能決綬密疏有王魯孫  
在乃得封晉事始定丁外艱歸楚藩以綬奏請於朝復  
起相焉未幾乞休先後爲國相二十餘年方正不阿有

重江都之醇雅而無買長沙之牢騷不平卒以壽終於  
正寢天下以是賢之所著有四書輔註易經精蘊等編

刑部尚書屠元勳

子應垠應坤孫益玄仲律叔方孫謙附

屠勳字元勳平湖人成化己丑進士授工部主事改刑  
部歷員外郎郎中凡諸司大獄多付之鞠讞精明法比  
人稱不寬遷南京大理寺丞晉少卿請差官審錄革煩  
例陞都察院右副都御史巡撫順天永平整飭薊州諸  
路兵備嘗分三路屯兵使緩急相援虜聞遠遁迄任不  
幾尺羽又增黃花鎮諸營堡以固聲勢至今爲利害砥

歲供銀魚中使因之橫索獻上珣極言請約束無以困  
民又奏罷麻峪山採礦民甚稱便已遷刑部右侍郎尋  
轉左會河間歲晚與民爭田而鬪勲勸曰母后誕育其  
鄉而與鄉民爭尺寸土大非國體卒歸田於民已丁母  
憂服闋改左副都御史尋陞右都御史正德改元陞刑  
部尚書未幾乞休加太子太保致仕卒賜祭葬謚康僊  
著有東澗遺稿子應璫副使應坤恭政應堦諭德自有  
傳堦子益玄封東部主事仲律知府叔方憲副孫謙提  
學副使懋愷處進士有今名

工部尚書俞德彰琳

俞琳字德彰臨安人成化丁未進士授行人拜監察御史進鴻臚寺少卿儀度安整音吐宏暢擢右通政再轉通政使仍掌寺事每讀疏大廷朝宁傾聽其任鴻臚及銀臺者皆十許年累官太子少保工部尚書仍掌通政司事琳天性醇樸無巧偽習慷慨尚義嘗以忠孝自許爲工部日值塞北有警上曰保定五府武備當嚴非其人不可乃命琳兼右僉都御史往視師琳毅然星駕指授方略旣戡定邊患戢兵歸朝口不言兵士論多之

初爲行人嘗使周府舟次歸德感疾甚篤仰天歎曰丈夫志在四方卽不幸客死命耳奈老母何因痛哭失聲是夕忽夢五老人鬚眉皓白語琳曰爾母壽高爾病亦當尋愈毋多傷琳叩姓名答曰此地五老人耳且訪之則宋太子少師杜衍侍郎王渙司農卿畢世長郎中朱貫馮平年皆八十廟食其地云

刑部尚書韓大經邦問

父弼附

韓邦問字大經會稽人父弼耿亦有學長於詩官襄府長史邦問因舉湖廣鄉試成化中登進士第授大理寺

計事處四四川多所平反出知淮安府節冗費辨滯獄  
又集漕卒禁私離其所設施不爲苛察而人畏服久之  
以都御史巡撫江西時中官駐饒燒供御磁器因而恣  
橫需索閭里騷擾邦閭方言小民凋弊狀上感動輒  
止之後以刑部尚書致仕卒於家邦閭雅性坦直不妄  
笑言其居雖逼城市而出入甚罕至士大夫以國典民  
隱造質輒響答忘倦身雖退而不忘經濟如此里人至  
今想其丰采卒謚莊僊

都察院右都御史周南



周南籍雲人由進士除應天府六合縣知縣選授四川道御史彈劾不避權貴按安遠侯柳璟不法朝廷肅然陞湖廣按察司副使歷陞副都御史巡撫大同有邊功爲劉瑾所惡置大同獄瑾誅得釋復巡撫宣府尋改南贛陞右都御史總督兩廣以疾乞休家食十有四年而歿計聞詔于祭葬贈太子少保南居官以才略見稱宦轍所至勲績爛然初大帽山賊流劫三省攻城殺人兇鋒不可撓朝議用重臣督勦乃以南往未幾遂破賊斬獲數千計因移兵攻姚源賊黨及江漳山巢悉平之遂

撫其地南頓延撫之謠自南始

翰林院學士豐原學熙子訪爵

豐熙字原學。鄭人生而穎異。志趣超卓。讀書精舍。嘗署其壁曰。立志當以聖人爲的。遶第一等事。於人卽非夫也。十六遭母喪。水漿不入口者數日。倚廬三年。郡守姜鼎器之曰。此吾郡顏子也。舉弘治乙卯鄉薦。已未廷對。孝廟親閱卷。大奇之。置第一。已而。易置第二。特賜狀元。袍帶嘉寵之。授翰林院編修。陞侍講。與修孝宗實錄。轉春坊右諭德。時逆瑾用事。朝士多相之。熙獨不爲。棄

璵樹軀骨出掌南京院事尋父歿喪之如喪母既免喪璵乞終養繼母不報復原職時才望隆赫中外士莫不傾心謂宜握持鈞軸以襄化理而忌者陰沮之久之不調世宗皇帝御極陞學士詔定大禮熙議不合方進用事者撼以危禍莫得附已而熙卒守前議不變遂得罪戾鎮海衛居十有三年杜門著書絕口不言時事未幾而彗星掃文昌遂卒熙性嚴重不妄交一人其可者必肫肫見中底而不可者即通顯人未嘗跡其門故卒與世齟齬傳極羣書而尤潛心六經爲文古雅典則不

規規模擬而出入張弛一不繫於矩度至金石之作尤其所長所著有魯詩正說古易傳義禮教儀節白庵集一齋集子坊鄉舉第一人嘉靖癸未進士官終南京吏部主事以能書名

吏部左侍郎李子暘旻

李旻字子暘錢塘人成化庚子鄉試第一甲辰廷對狀元及第授翰林院修撰預修憲廟實錄克經筵官陞左春坊左諭德上疏乞終養不許尋待東宮講讀陞南京太常寺少卿署南京國子監事正德丙寅召修

孝廟實錄改太常寺少卿兼翰林院侍讀仍修玉牒克  
講官賜金帶奉命授庶吉士業尋陞太常寺卿管國子  
監事晉南京吏部左侍郎未任卒吳爲人長身修髯狀  
貌英偉逸才淵識倜儻高邁其學無所不窺貫穿百氏  
流覽藝林卽素稱博洽者多推下之善於談議每發言  
如倒峽懸河四座傾聽然斯弛不羈濶略世故每於人  
多齟齬云

四川左布政使陶時明照

陶照字時明菊隱君之裔也世居秀水之雁湖菊隱且

戒子弟弗仕元於是陶氏世稱隱德八傳而爲照當  
敬皇帝時年甫二十餘與兄煦同舉進士於是人目爲  
雁湖二俊復稱陶氏名家照始官工部都水司主事內  
艱起復改刑部錄四藤松出爲廣東按察司僉事時蠻  
徭羣起爲盜惠潮清遠間蜂屯各數萬人照察土官陳  
朝亮才授以方略累糧逮捕不煩帑藏而廣地悉定未  
幾以父憂起改湖廣尋陞四川布政使叅議時藍鄙作  
亂蜀人驚擾先是照過新都道衝而無城照卽日命城  
之城畢而寇至人賴以安竟以平鄙功授從三品俸加

賜金綺陞四川按察司副使備兵威茂改河南陞雲南  
右布政尋轉四川左先是爲雲南時有大盜橫行唱義  
間阻險深入歲不能下照至卽平之於是詔復賜金綺  
照性斤斤簡飭言不出口未嘗面可否人至所歷乃表  
表以武功見當事者始知照爲大才可備國家緩急用  
無何而竟以中譏去家居幾十年無一語怨尤時時謂  
人曰布政司錢穀謗翕翕易起人炫廉自飭而吾于徐  
弗以外讟當逆瑾時人有官不患不能顯而吾優游舊  
僚要之無疚耳與鄉人處油油煦和生平無怒容雖與

臺鐵模弗嚴斥也一時皆稱長者卒年六十有七

左長史張廷光景明

張景明字廷光山陰人幼聰慧日誦千餘言舞象作文  
卽多奇警童卅補邑庠弟子員試輒高等同輩多歛衽  
下之成化庚子領鄉書庚戌成進士第時 睿宗皇帝  
初開藩邸長史馬政輩以不職罷 孝宗皇帝命吏部  
擇廷臣中負才望可以輔佐王者尚書王恕卽以景明  
爲左長史袁宗舉爲右長史人多惜此兩賢遠弃藩國  
不得大用者景明日買長沙董江都不有聞於時乎



然入謝。睿皇諭之曰：卿等皆名賢，當大用。今屈卿等  
輔幸，共黽勉以善聞於世耳。景明等頓首謝。明日上疏  
勸睿皇正心謀學，以周公及漢東平、河間爲期，又獻  
爲善最樂詩，以寓規諷。深見嘉納，賜金幣以酬。讜言居  
數歲，從之。國詔賜四品服，國事無巨細，皆經畫有法。上  
書陳六事。睿皇優旨答之，仍賜金帛。久之，以憂去。  
睿皇上書請虛其缺，以待越三歲返國。睿皇晏駕，  
世宗爲世子，方在諒陰，令攝國事。中外肅然。尋病且革，  
語其僚曰：死何足恨，但嗣君幼冲，不得終輔之，以酬先

王之厚德耳。言訖而瞑。時人皆惜其才不得大用。卒後旬月。世宗入繼大統。念舊輔功。追贈太子少保。禮部尚書。文淵閣大學士。謚恭僖。

廣東左布政使謝于吉廸

謝廸字于吉。元輔遷之弟。登弘治乙未進士。釋褐兵部職方司主事。轉武選司員外郎。是時文勝。旁午揮遣。若流。悉中肯綮。時稱其才。正德初。逆瑾亂政。兄遷以不合。罷相去。瑾移怒於廸。勒令致仕。廸怡然。退處林下。嘯詠自適。若將終身焉。世宗登極。懋隆治化。思用舊臣。起

爲江西右叅議尋晉河南按察使未幾遷廣東左布政  
使人覲還任以疾卒於途廸具逸才久鬱弗施起廢以  
來益圖奮勵以答明主之知故其叅議江右時發奸  
摘伏人稱神明以績最薦兵備九江九江地爲江湖要  
衝自逆藩煽變之後凋弊弗堪事多可慮廸乃除其煩  
苛務爲綏緝民賴以寧河南按察時風裁愈肅獄無滯  
囚事至立剖揮遣文牒如流水僚友旁觀無不嘖嘖歎  
服嶺南之握事先要領裕民剔弊不遺餘力論者謂廸  
深於經學不尚詞華發於舉措鑒鑒可行有補於世才

識明敏足以濟之使天假之年得盡其才事業所建尤當有不可量者惜乎其遽止於斯也卒年六十有三

右僉都御史徐章甫錦

徐錦字章甫

人正德丁丑進士初授福建甌寧縣

知縣三載考最拜南京廣東道監察御史出按淮陽及廣西等處整飭大體不事煩苛事竣會建仁壽諸官奉勅督理同事多中官每索取常例不一滿望則多端沮勒錦委曲開諭備述官民輸運之艱中官爲之感動反從寬恤上嘗錄錦名於御屏曰是可大用旣而陞南

京大理寺丞進太常寺少卿聲望益著會推順天巡撫上覽疏問中官曰少卿徐錦得非向御史乎親簡注焉獲拜都察院右僉都御史巡撫順天兼督理薊州邊備值星變引咎自陳乞休恩賜致仕家居每遇聖旦必沐浴具朝服拜祝於庭賦性寬和與人輒夷易未嘗以貴顯自尊大故其卒也人多惜不盡用其才云

右副都御史陸容之鈞

季父健附

陸鈞字容之郵人舉正德甲戌進士授南京車駕司主事會寧藩稱逆駕幸留都兵部尚書喬某奉贊機務每

事出利劍善之曰我益友也陞署職方員外郎隨駕旗  
牌曹輩例分守城門依勢豎援劍日爲點視錯綜其時  
中官有不服者正色折之以義八月駕回劍已別遷渡  
軍非其職矣喬尚書曰此非陸郎中不可劍乃行處之  
以體卒無譁者嘉靖改元出守安慶安慶經宸濠之變  
毒於兵燹財竭民疲重以飢饉流殍紛然劍至以撫綏  
爲首務從簡易非捕巨猾吏卒不至鄉邑民甚便之而  
訟日減嘗訊囚堂上忽市中譁然報曰縣囚劫獄且直  
赴府來矣劍顏色自若麾坐者列所訊囚棧於階下餘

捕逸囚皆獲。蓋兩囚相通。舍此取彼。則乘而跳梁。兩不可禦。鈞沉機應變。破其謀。囚卒就誅。首誅陞貴州按察司副使。整飭龍里等處兵備。先是鈞季父健嘗食憲於貴政。有體要名聲。赫然聞鈞。命下凜凜。相戒曰。四明陸公來矣。下車出令。果慰所望。有龍溪二場軍夷貿易。每因而致亂。鈞使巡捕官軍彈壓。剛暴者執之。取死囚數人。箠死於場。衆爲帖然。歷陞四川廣東江西福建藩臬。歷轉都察院右副都御史。巡撫保定等處地方。會建

萬曆二十九年。鈞會事經畫至忘寢食候

駕發。而四

立人有不識者。先是都護軍門及諸中貴皆有厚望。或偶語於馬前曰。君記得送往迎來否。釗應曰。記得。更記得節用而愛人。遂爲蜚語所中。落職歸。釗偉姿山立。度豁如。不設崖岸。而確然有不可奪之志。好積書。博覽孜孜不倦。以是自老云。

副都御史王天宇應鵬

王應鵬字天宇。鄞人。性貞嚴沉毅。年十六游郡庠。卽有志經濟。挺然以豪傑自負。登正德戊辰進士第。授嘉定縣知縣。以最召拜監察御史。彈劾無所避。時武宗數



徵行及取佛烏思藏鵬伏關爭之以清戎入閩兼理鹺  
政興革得宜民用不擾尋出按山東務持大體雖邪剔  
蠱不數月而風清齊魯改督學畿內擢河南按察副使  
仍督學政進山東按察使甫三月擢僉都御史撫畿內  
達軍王朝相等弄兵一鼓討平之境內安堵無何而晉  
寇陳卿倡亂當道謂非應鵬不治改撫山西先聲所攝  
不廢隻矢而俘禽元惡尋丁外艱服闋起副都御史總  
憲內臺條陳時政以義利名實四字悟上心言甚剴  
切竟以誣劾落職歸怡然山水間觸物題詠若將終身

焉兩臺交薦默不應未幾以疾卒。鵬天性孝友戶庭無  
間言於物無所嗜好雖權量不識顧獨好尚論古人與  
在仕途未嘗廢學不妄言笑作事確有定守遇變故不  
愾徐應之無不立解若熟讀者世以是稱其才所著雜  
稿凡若干卷

右副都御史錢可容

錢宏字可容錢塘人正德戊辰進士授刑部主事轉員  
外郎陞山東按察司僉事轉副使時武皇南狩供應  
靡紀極當事檄宏取分隨事經緯貴近弗能屈章丘游

歲大侵，宏賑卹，有方全活無算。命時且璫鎮守，役民無常時。宏首裁之，不少徇。民間宏名，輒以手加額曰：「錢使君青天也。」進廣西按察使，持憲有體，取從儉，有恩比入覲，諸酋長率衆送道左，蓋曠事也。陞福建右布政使，轉湖廣左、擢都察院右副都御史，提督南贛軍務，南贛地屬上游，不可一日弛武備，乃刻武藝圖以訓將士，躬自臨閱，軍聲大振。會疾作，懇乞歸，歸三年而卒，年六十有。一宏平生嗜學好問，所著有江樓遺稿、尤工漢隸，日臨池不倦。宏之先本汴人，扈宋徙錢塘，玉泉山祖兆之左。

有司所管葬也

河南按察司副使陳約之東

陳東字約之鄞人生而穎慧絕倫日誦數千言汎濫百家上下屈宋班馬之間向褒以下弗論也海上詩書之士無不爭言陳生會稽董中峯玘有女待年擇聲或言陳生佳乃艤舟甬江之上呼陳生視之而陳生垂髫被儒者服繩趨而前面如凝脂目如點漆望之非閭里嬰兒子也玘乃雜難墳典丘索及諸莊周呂覽言則滾滾對不塞試之詞賦食頃輒辨語盡玄秘也玘喜目左右

取日書以來親爲期日而遣之已乃挈至京邸玆日爲  
程業課肄之東唯唯奉命然其心弗好也竊取古人書  
意所契會者鈎纂精微時時論撰發舒淵意而京國詩  
書之士又無不爭言陳生已乃成進士授翰林庶吉士  
讀中秘書益游神塵墟之外以極宇宙之變態每一篇  
出諸學士兢締觀之曰斯捕神彈鬼之文乎而東顧施  
施自得不少貶改諸貴人竊慕其風時枉駕過之輒閉  
戶不納時當道被 皇帝隆遇朝士咸奔走之東獨不  
一面每歲時上壽不得已望門投刺輒馳馬過之當道

銜之入骨。積不能容。乃注潮廣。僉事分司。辰沅東疏。乞骸骨。不報。轉福建提學副使。尋徙河南督學。如故時科試。且廵。坐肩輿。一晝夜馳三百里。諸郡之士三月而試畢。以過飭。嘔血死。東博洽高融洞古聖哲之微言。無與人周旋。款語無不滿意。比歸休舍。輒仰屋慨嘆。憤恚踴踏。家人莫喻其故。第左右列古圖史。置酒一壺。且誦且飲。飲輒數盃已。而忽大嘔血。涓臾可數升。蓋才高而用非其所。故鬱鬱若是死無以爲歛。同官經紀之。送其妻孥以歸。所著詩文若干卷。唐應得刻而傳之。

大理寺左少卿羅質甫輅

羅輅字質甫其先嘉興之秀水人國初以閬右貢京師  
遂占籍江寧登正德戊辰進士第授中書舍人冊封益  
王世子中道正使遽卒命專節以往比至藩邸諸所舉  
錯中禮度一時稱其才復命疏乞就養得改南大理評  
事抵家三日而父以無疾卒得親視飯舍人以爲孝感  
服闋補前官未幾擢江西袁州府知府三載政成都御  
史王守仁薦其才堪治劇改贛州其治最一如袁復以  
都御史盛應期言江西劇郡莫若南昌又疏改南昌至

郡七月聞母病，竟弃官歸。久之，復補南昌。南昌人夾轅迎之者，載道曰：「我父至矣！」輅第以治哀與輅者輕重布之，紡績農桑，男婦雙課。而南昌役大治，擢江西按察司副使，整飭饒撫兵備。越七月，思母，復上疏乞休，未報，卽還家。五月而母卒，復得親視飯含，如所以喪父者。人益以爲孝感云。服除，補四川按察副使，兵備建昌。未至，移山東。甫三月，擢順天府丞。明年，改大理少卿。時晉宗室與撫臣構隙，上命輅往勘。輅正國法，而體人情，復命人皆稱平。於是廷臣益多其才，兩舉節鎮。上曰：「廷尉。」



不可以無輅不報無何而以微疾卒年僅四十有九訃聞上痛惜之遣官諭祭異數也

都察院右副都御史秦懋功鉞

秦鉞字懋功世居餘姚之梅川正德癸酉與從叔濮州守吉從弟吉安守金同舉於鄉人稱其盛甲戌登進士第授湖廣攸縣知縣考最召拜江西道監察御史彈劾不避權貴以風力稱未幾巡兩淮鹽政出按江西監試事陞山東按察司副使兵備徐州歷進山東按察使所至有政績得憲體尋陞右布政使時廟建方輿下工部

議取給外省錢以徵歛繁多恐竭民用乃畫閭閻已存  
貯贖銀以克其需白於當道者猶豫以爲難會京兆尹  
張漢亦請開府庫罷征求疏入得允當道乃服而才望  
益隆轉江西左未上擢都察院右副都御史巡撫江西  
攬大綱廣慈惠簡練兵馬克實邊儲士庶允孚境內大  
治夏相公言嘗稱錢十郡銷兵九江渡虎非溢美也無  
何簡命佐理院事竟以外官考察引疾歸歸而築室吳  
山之麓優游泉石不復談時事母歿勞哀過常忽遽末  
疾卒年五十有九錢長身偉貌手執標異立論侃侃諤

度豁如也。爲文淳古，以辨博濟之。居官整飭備明，治要百務，紛集移時而判，其才識過人如此。子二伯宗、儒淮，府右長史。仲宗道山東布政司右叅議，亦以才望稱。

右僉都御史張子清濂

張濂字子清，仁和人。弱冠領浙江鄉試第一。戊戌成進士，初授刑部主事，勉修職業，爲大司寇所倚重。未幾以才望改吏部稽勲司主事，毅然以進賢退不肖爲已。任晉文選司郎中，志協益勵義所，不可冢宰不能奪。士大夫有負時望而樵貴人欲抑之者，或時論所不予而權

貴人欲庇之者皆從容譴論移在樊牯退抑奔競獨立  
行一意而已樵貴人雖陽然其言而多陰銜之請謁不  
行苞苴無所用其力一時仕路爲之肅清擢通政提督  
膳黃樵貴人雖陰銜之然無所修其郤會虜入寇樵以  
守都城有聲遂出瀾爲食都御史提督畿南北諸郡屯  
田事蓋以使能爲名而定遠之也未幾復坐訕左遷樵  
不就曰吾以直道不容於時今而後無復有能其官者  
矣遂拂衣歸歸則買山列亭榭種名花異卉又別穿池  
種五采玳瑁玢瑳之魚仰而哺俯而臨流以自適客或

禮之出則笑而不答。漸負經世才。期一大展以報。聖天子卒爲媚者所中。一蹶不復振。而託趣林泉以自老。其志亦可悲已。顧論者不量。猶借嘲啗之。口爲達者語。病何異仰蒼旻而議寥廓耶。歸安茅坤銘其墓有曰。託盟范蠡。比迹留侯。睥睨一世。耻屈貴游。左右若遺。僅託書碣。書之何。以天地一喙。

侍讀學士姚維東洙

姚洙字維東。兵部尚書鏞之子。母夢吞日華與五色鳥。攜懷而生。六歲喪母。哭踊如成人。七歲就學。聰慧強記。

能屬文嘗於途得遺書遂引楚人亡弓楚人得之以爲  
序讀者稱奇及長脩髯偉幹顧盼燁如若恒議論輒以  
天下爲已任舉正德丙子鄉試第七人嘉靖癸未禮部  
第二人及廷對遂魁天下拜翰林院修撰尚書亦自延  
綏還拜工部左侍郎父子同詣闕謝縉紳以爲榮明  
年大禮議起涖偕臣僚伏闕諍之同杖於廷尋復官  
克經筵日講丰儀峻偉陳義誠切上多嘉納進左春  
坊左諭德與修明倫大典疏請帝王廟去元世祖主以  
正華夷之分奉勅校累朝寶訓歲賜宴內廷加錦綉襲

夜晉侍讀學士主丁酉北畿試得士多登甲榜文詞爾雅爲天下式未幾居尚書喪孝勛備至遂感疾卒後上嘗問籌狀元安在或以卒對上深爲悼惜特賜祭沐明達魁岸其學長於史務求政要爲經濟事不拘拘文辭嘗曰三代而後漢與外戚共天下唐與女后宦官共天下魏晉以下與胥梁子弟共天下宋與白面書生共天下元與族類共天下我朝皆無之可謂盛矣但邊防海運最爲今日急務遂作邊圖凡道途往來關隘險阻之處指諸掌謂海運當講於平居時又曰中國之兵

強。夾。狄。之。兵。弱。創。業。之。兵。強。守。成。之。兵。弱。蓋。草。昧。法。簡。  
而。嚴。中。世。法。繁。而。寬。簡。而。嚴。所。以。用。命。繁。而。寬。所。以。多。  
敗。又。論。學。曰。大。凡。論。學。不。可。立。黨。立。黨。則。必。爭。奚。能。見。  
道。昔。者。朱。陸。之。辯。虛。心。求。是。也。今。日。之。辯。朱。陸。私。心。求。  
勝。也。言。愈。多。而。道。愈。晦。矣。持。論。侃。侃。聽。者。忘。疲。

刑部左侍郎楊章之大章

楊。大。章。字。章。之。餘。姚。人。嘉。靖。癸。未。進。士。授。知。瀏。陽。瀏。陽。  
號。難。治。奸。民。通。稅。累。鉅。萬。且。狡。猾。善。訟。不。可。窮。詰。章。則。  
親。究。案。源。庶。務。迎。刃。而。解。奸。民。爭。先。輸。逋。無。敢。後。邑。豪。



學署者傳費犯禁無忌肆毒隣境甚至拒兵殺官以叛  
章一旦出不意卑賄即其渠擒之以故強梗豪俠之徒  
皆縮頸改步不敢犯淵陽號大治外艱服除補知欽章  
治欽如淵陽亦大治以卓異徵擬臺選已當事有忌  
之者改刑部主事公論殊不厭章曰吾方憂職之不稱  
豈以刑部爲少耶未幾改兵部擢武選司郎中銓事吏  
廢緣爲奸章嚴具條格抑絕微倖吏惟坐聽行文書而  
已而于奪遲速一出於獨裁天下武弁待選者以得選  
爲幸遷山東按察司副使兵備霸州霸州固盜藪而亡

命胡廷秀直入禪城。白晝劫殺人。從西直門出人。莫敢  
近。章還馳騎一二路。其向往追至臨清。縛來斬之。不當  
如几上肉。以武清縣地廣。居民無城可依。適歲侵。議  
及時興工繕築。以寓救荒之意。不數月而功成。不惟土  
著者恃以無恐。而流離就食之衆。全軀保妻子者。不止  
數千人。頌聲載道。無何。坐武選。貼黃註誤。乃左遷江西  
布政司經歷。三轉而陞福建叅議。遷湖廣關使。兵備荆  
州。轉叅政。晉南京鴻臚寺卿。改光祿。陞工部右侍郎。轉  
刑部。正當是時。鄭瑄簡曉爲尚書。素重章。凡獄情重大。

者必虛心咨章章亦爲之詳盡必當而後已天下洗然  
無冤民無何以徵疾乞身歸章雖家食而念切憂時每  
聞朝廷有善政未嘗不躍然喜及時事少不當意則仰  
屋太息不已歷官四十餘年清約不異寒素惟養父母  
則竭力滄髓不敢以貧故儉其親一時稱之曰孝卒年  
七十有八

廣西按察使陸選之銓

陸銓字選之鄞人嘉靖癸未進士除刑部主事改禮部  
儀制司晉郎中時上方稽古禮文以隆制作議四郊

九嬪親黨親籍諸禮內降旁午而討論陳奏頃刻敬服  
宗伯大臣盡倚以爲辨莫不當 上心資望功賞皆宜  
得右秩而內閣朝臣以國 上祭器不先關白遂大忤  
意遷福建按察添注副使益爲策勵嘗攝海道漳故盜  
數而利寢也諸射利奸人多以厚貨餌監司關出爲患  
銓獨嚴立禁網剗剔奸蠹卒不爲諸射利者餌陞河南  
參政撫民南陽陞廣西按察使時有難徭賊侯公丁雜  
處胡藍二姓之間相助爲寇或議大舉兵盡誅之銓曰  
堅賊黨勝余我兵非計之得也不若計賊渠魁而撫其

傳聞聲譽如真言有濟果平陞廣東右布政使以內  
居家卒銓質性英銳讀古書一目卽解解卽不忘捧筆  
爲文卽奇氣橫發滾滾莫禦卒不戾於矩度雄視天下  
謂豪俊莫能相先而當官蒞政剗繁解劇不啻庖丁之  
游刃也時方以偉烈期之而竟齋志以沒識者憾焉

刑部主事胡文徵憲仲

胡憲仲字文徵海鹽人少博雅工古詩文浸淫秦漢晉  
魏風骨揮灑之譽重一時嘉靖庚戌歲進士官工部主  
事工固閒曹仲益喜讀書邸舍下帷篝燈如諸生貸予

錢買古載籍。淫誦之巨卿大僚。多器仲爭爲折行交。應  
尚書大猷。嘗解所佩刀。贈曰。此託於呂虔誼也。無何虜  
闌入郊畿。嫚書請市。諸大吏袖手無策。仲爲條十劄。略  
曰。虜入深矣。已巳之變。于肅愍爲兵部。尚書躬帥大軍。  
駐德勝門外。與虜對壘。今日之事。本兵當振甲出營。相  
機勦殺。局縮不能議戰。而與議市哉。此城下之盟也。竊  
耻之。又云。酈生躡屣談說。漢帝輟洗迎之。伏軾下齊七  
十城。士被褐負奇。欲效黥矢石者。豈謂輦轂下無人哉。  
文吏拘泥。以目皮相。失不羈士。誤甚。部曹偉其論。俾仲

督造兵械協巡九門不嚴而肅部曹始知仲爲有用才  
不徒以虛辭倡議者虜退轉南刑部山東司主事有巨  
姦麗罪夜懷百金私仲仲却之竟置諸法兄弟所監生  
爭產淹繫三年仲誨諭感悟泣呼胡青天時倭蹂兩浙  
留都戒嚴仲寓書浙帥策倭曰仲浙產歲罹倭能言倭  
情倭屯若散謫也疾合如馳聲拙也佯見短狀用奇也  
倭進止盡司馬法而我師惛惛乘之逼城城潰掠鄉鄉  
殘謂民命何言三策曰防曰困曰間傳其言南中南司  
馬曰是郎曩言此事復策倭是知兵以仲守太平門亦

不嚴而肅。倭知不敢犯。未幾而疾候仲始寃。心大素期。以文章鳴世。至債時疾。事輒裂。皆髮上指。冠欲身當之。垂竹帛歟。而一疾竟不起。年僅三十有九。仲少從鄭端簡學。端簡奇其才。已端簡官考功。仲上之書曰。無使人知吾之所好。無使人知吾之所惡。無使幸者德我。無使不幸者銜我好。惡彰則迎合者不可測。德怨樹則好還者不可禁。端簡用其言。卒稱良吏部。仲學不獨博古修文辭。每於聖賢微言中直窺性命之要。嘗與龐嵩論學曰。萬物從虛中來。中庸論誠之爲貴。而不知虛之爲先。



虛者物之始也。善之人也。誠者物之終也。善之積也。諸  
多儒先之所未發。所著有仰崖集四書講義。藏於家。

監察御史沈汝材楠

沈楠字汝材。吳興之樟溪里人。嘉靖戊辰進士。授南昌  
府推官。南昌簿牒繁委。獄情詭秘。楠防檢既周。聽察尤  
慎。姦欺屏息。請謁不行。以故幽隱畢達。人雪覆盆之冤。  
市絕橫羅之辟。花園鄉故稱盜藪。役久無功。楠受牒單  
事。請賊賊皆自縛悔罪。願釋戈歸農。楠白於部使者。盡  
解縱之。事聞有金幣之錫。三載考最。召拜江西道監察

御史數月卽真。每有論建。務持大體。同臺宿望。多自以爲弗如。又二年。巡按陝西。下車問民所疾苦。延見藩臬。諸大僚。咨以吏治得失。及郡中豪不法政事所宜廢舉。與庶屏墨威暴澤枯。且詢且行。孳孳若弗逮。又閱延綏兵馬入衛之疲勞。遼薊苑馬寺芻餉之煩苦。西安鳳翔漢中三郡分辦花馬池鹽課之利害。方欲條上方略。請行之。而觸暑行部。焦勞卽事。竟以劬瘁致疾。卒於耀州邸舍。士民相與悲傷之。觀發關中。關中入白衣冠而送者如堵。無不執紼夾輿而號聲震山谷。楠爲人孝友。踈。

節而肅於財遠聲色如臙喪父食貧事母曲盡志物撫  
諸宗族有恩與人交無少長賢不肖咸盡其心絕口不  
郵傳人過失其篤厚如此卒年僅四十有二

太常寺少卿傅朝鳴佩

傅佩字朝鳴仁和人嘉靖乙未進士授興化縣知縣興  
化軍竈奪民之田地而不稅不役民貧累逃亡過半至  
困死無所懇司軍竈者又深庇之而視民如讐前令不  
敢詰詰輒爲所構往往罷去佩慨然曰若是何以令爲  
吾奉天子命爲民父母民在倒懸而不解安能覲顏

在位哉乃極言宿弊疏上於朝者三必行而後已雖沮  
撓百計至有振甲以攻者佩棘棘持議益力卒還軍實  
所操奪於民者民乃寢田賦悉平召拜兵科給事中

世廟幸承天佩以才望扈從武定侯郭勛怙寵驕恣不  
法無人臣禮回鑾之日卽抗疏劾之忤旨奪職佩

聞命欣然就道無何郊廟禮成得還章服佩風稟正  
直平生無脂韋姘媚態又素有經濟天下志地方諸所  
利弊有可以裨民生益國計者遇事侃侃論辨不少假  
聽者無不捧手起敬以是超擢兩臺歲請餽室大用前

後薦剡凡十四上竟不用 穆宗改元廣嗣言路起用  
先朝言事諸直臣佩磨首薦又以制當引年僅晉秩太  
常寺少卿致仕以卒

南京國子監司業朱象玄大韶

朱大韶字象玄世爲吳興人七世祖尚德贊華亭烏溪  
里遂爲烏溪人登嘉靖乙未進士第選庶吉士讀中秘  
書故事庶吉士選者開臣爲選次先後以名聞幸 上  
俞允 肅皇帝嘉韶所詠寶善詩拔至第三人韶既釋  
於文而又得以才情自見其思雲涌川決頃刻數千言

立誠尤留心經濟凡禮樂刑政錢穀兵戎之數俱縷縷  
口畫心計每國家有重事諸公相與議輒問朱先生云  
何已酉授翰林檢討辛亥奉使冊封湘藩道雒陽入隆  
中探南陽鹿門之勝事竣卽登太和浮洞庭望匡廬從  
大江過金陵三山諸名勝所紀咏著作爲多旣復命分  
枝癸丑禮闈所推轂俱名士時倭寇起東南海上苦兵  
視親舍越在千里外燕居深念計不令二尊人南而已  
獨此遂力請得南司業以去先是分宜未柄國時以奕  
驥封公故與鄒爲通家及分宜子用事諸附離之者不

可勝數。解以濡足樵門爲戒。不與通。分宜子銜之。而又與平潮陸太保有連。太保方貴。僥橫甚。韶雖數往還。非其好也。陸意不能無小望。韶雅欲避籍。此自解脫。無何而二怨果修。卻擠之。解韶官。縉紳多爲不平者。韶夷然不屑曰。吾向已知之。輦上君子。肯爲余再伸志耶。歸構樓於城東北隅。置國史朝夕觀覽。左右遠眺。自適。取名快閣。歲時行國。召所厚故人。從命觴奕。談說鄉里事。爲樂。絕不問門外事。四方造請碑志序記。屢滿戶外。韶校堊以磨之。有餘力。雖居陋巷中。而名稱籍籍。無異朝省。

時韶負才倜儻意不可一世而勇於任事誠以待人有古君子風卒年六十有一

福建按察副使卜吉夫大同

弟大有人願附

卜大同字吉夫秀水人嘉靖戊戌進士授刑部主事慮因河南以平允稱歷員外郎陞湖廣按察司僉事先是議者言自九江入楚斬黃漢岳會於洞庭江流彌亘千里而遙盜負濤浪行劫甚且攻剽州縣有司莫能制宜立上下江防置憲臣便詔以大同往大同既至按行議俗去民所疾苦飭封守立里保審形勢定經防行期年



而羣盜屏息遷湖廣布政司叅議有平苗功再遷福建  
巡海副使初閩人多入海與諸夷市而漳泉爲甚弗禁  
則法廢禁嚴則奸民失利而倖亂往往導賊入或且攘  
臂羣起以張賊勢最號難治而海禁兼管利權下者既  
多自敗其名潔廉者又率避弗肯爲以故海防日益廢  
弛而大同毅然任之既修飭內治諸所興革一切與民  
爲宜民咸安其政賊亦知有備終大同任三年弗犯閩  
而屢寇旣會吳越間攻城掠邑蹂血數千里至動天下  
之兵不能制獨聞得大同晏然卒後三年而閩始以警

吾大同梓身孝友居親喪三年不入堂內課弟大有大  
嗣皆成進士大有令無錫執法不撓推貴稱獨項中忌  
者謂潛山歷南儀曹以忤時宰出爲尋甸守大順令當  
塗治行稱最召拜銓部歷司勳郎能留意人材卻問道  
不脂肅逐時好並無媚於乃兄云

國子監助教司馬式古軫

司馬軫字式古山陰人平陰知縣簡之子生而狀貌偉  
然言動不類嬰孺平陰大器之長入郡學嚴重簡默文  
章華暢聲稱煒然累困名場以舉選登乙科授潁州府

學訓導賴士久弗克解軫誠誨而嚴課之士爲興起未幾董越遂破天荒登進士一甲第三名陟鳳陽縣學校諭誨士興學一着在賴時再陟國子助教以微疾卒年六十有五軫有大志抱奇才恒以古豪傑自期許欲策青勲茂烈以膏當時照後世而竟老於函丈弗克布一籌以終方官賴時寧都縣豪有昆弟相仇者各聚衆至數百人欲交攻相殺官莫敢誰何巡撫者懼其蔓也預圖之謂非軫莫可任者軫輒曰軫固朝廷臣子常恨無地自效今承命耽後卽日携一奴躍馬走寧都萬山中

入囊箴爲明天倫示國法明啟其自新之路其言詳悉  
洞達而誠懇諄至衆乃悟悔泣拜自囚以見惠軫軫力  
勸減豪罪而貰其餘卒自新於是衆稱軫逮今未脫者  
賴間軫自號端齋所著有端齋柱誤子聖編爲十二卷  
藏於家

四川按察司副使顧曰翔

顧曰翔字曰翔慈谿人嘉靖戊辰舉進士授工部都水司  
主事外艱服闋補兵部武選司主事進員外郎卽於九  
邊智勇忠義之士皆廬訪籍記每佐其長以易置無不

當權河南按察司僉事駐節潁上兼攝徐州兵備通徐  
潁地跨江淮多巨猾劇盜號難治种從容料理案無留  
牘豪惡毛至剛占奪民婦女田產特雄貲無忌种竟捕  
之置於法潁壽間盜多株連不解种下令日以姻連坐  
者勿治即日去三木而荷犂鋤者數百人無何坐註誤  
左遷許州判官改真定通判大名同知尋復擢河南參  
事時鄭府橫恣不法种悉緝治之遂欽跡晉福建布政  
司參議適倭奴猖獗而福寧尤急起撫王詢特以种往  
勦之三戰三捷擒斬五百名級有奇倭大餽遁去地方

以學提聞有金縢之賜。晉四川按察司副使四川松潘  
處維州境外地也。軍夷雜處。叛服不常。紳至動中機宜。  
形格勢禁。一發即就戮。有奸軍周尚武者。陰蓄異志。紳  
密偵之。擒其首十人。人如兒。上肉餘黨悉平。因條上五  
策。皆彊圉大計。撫臣乃疏請行之。而紳以西土寒甚。不  
堪堅請。致政歸。歸六年乃死。紳敷歷中外逾三十年。所  
至功見言信。威惠並行。罔濟世才也。顧屢蹟屢起。竟排  
徊藩臬間而止。士論惜之。

禮部尚書周師望如露

閔如霖字師望烏程人嘉靖戊子舉於鄉壬辰登進士  
第改庶吉士授翰林院編修歷官禮部右侍郎陞南京  
禮部尚書致仕歸歸踰年而卒如終稱爲完節霖爲人  
寬大溫博與人交不爲畛域然亦未嘗苟同於人歷官  
清華不一踐繁劇而遇事能斷在廷諸老往往以疑事  
質之應聲剖析無不中窾以故才名重一時三典文衡  
校閱精審其所獎拔往往在文選尺幅之外應天旣擢  
棘有任生某者詣霖自言霖令誦其文誦未畢霖摘所  
落卷示之譏彈甚悉其人愧服而去掌國學生於儆

率物不爲苛細六館之士至今德之及教庶吉士嘗曰  
朝廷任我重矣不及時與諸君商論國家大政使知輔  
養所急顧令雕鏤文字相夸示爲工邪故是科最號得  
人留者皆名士云

禮部尚書秦子豫鳴雷

秦鳴雷字子豫臨海人僉憲禮之子生未滿月失母甫  
五歲而僉憲復不祿當是時伯父大叅文無子楊夫人  
岐嶷雷遂子之弱冠補諸生而大叅死哀能成禮大叅  
故清白家日益落雷食貧讀書益不懈癸卯薦於鄉甲



辰歲進士廷試閣臣擬進呈第七及 肅皇帝親閱卷  
則首擢雷次日以例謁分宜分宜曰吾不敢貪天工君  
蓋天子門生也因出 御劄示雷始知平津有繼美云  
授翰林院修撰無何楊夫人卒奔赴哀毀一如所生服  
闋仍前職是時 皇帝方事玄修分命史官撰玄不次  
擢在位多染指焉雷序當首推特先期請假去聞者重  
之壬子主考順天鄉試以九載考陞左春坊左諭德遷  
翰林院侍讀學士克廷試讀卷官轉南京國子監祭酒  
進太常卿仍理庶事陞禮部右侍郎尋轉左乙丑克會

試知貢舉官。雷前後兩握文衡。二典成均。號稱多能士。  
進吏部左侍郎。以論罷。無何薦起南京禮部右侍郎。未  
行。卽家拜禮部尚書。適穆廟登遐。典禮廢。有臺省幾  
輔來就質者。旁午於道。雷稽古援今。舉疵修墜。時論允  
協。故事南京聞詔。後禮卿率百僚上疏慰安。一如北京  
例。雷言。南都聞詔已匝月。疏入則兩越月矣。安得比輦  
轂下哭。臨時禮力主罷議者。題之明年。乞休歸。歸而優  
游家食。乘肩輿游覽山水間。若齊雲雁宕石梁天姥皆  
裹糧策杖以窮其勝。時時命駕過武林。穿幽透深於兩

峯三竺間望之者以爲神仙中人也。未幾以微疾薨。年七十有六。雷天性孝友。以所生事所後。而又未嘗以所後後所生事。三兄篤友于之愛。嘗曰。孝弟豈必盡如卧冰泣竹。灼艾同被哉。盡心焉耳。居鄉樂易。不爲城府。若無有科名爵秩者。子孫有過。微示顏色。如萬石君。不肯責也。親友里吏議未嘗輕爲執事。筆及遇凶歲。則汲汲以賑濟。平余蠲稅爲請。不獨出私廩。以給待哺。作饘粥。以起溝瘠而已。性喜讀書。博綜羣籍。工詩文。文宗兩漢詩宗晉唐。皆直抒性靈。不作鉤棘語。書法師心。而道勁。

自具意態所著集若干卷行於世

廣東左叅政吳汝璣

吳璣字汝璣錢塘人舉嘉靖癸未進士拜行人司行人  
歷司副刑部員外郎廣東按察司僉事尋進副使擢布  
政司左叅政卒於官始其父主寧三娶無子年五十有  
七周宜人始生璣故璣最愛於父母然於學問不督而  
能弱冠爲諸生名蔚然起及官刑部時嘗同考順天鄉  
試其所爲文章諸方家自謂弗及故海內知璣能文然  
璣固知兵習吏事爲員外補奏扶隱如神明大廷尉讀

其獄謂必曰吾固知非吳員外不能辨其所治囚卽罪  
死無號呼不平者爲僉事飭兵嶺南蒐士卒立保伍明  
法令察盜所出入根據苗薊境以大寧連寇作督師征  
之殺降過當而清遠峽以險阻多盜發卒六百人鑿山  
三十里爲梁二十有一舟用得挽以濟爲副使籍民舟  
之買於海者什伍爲綱紀約寇至共擊之私去爲盜者  
衆發之不發與連坐海寇頓息性疎爽喜調笑諧謔治  
園亭西湖之濱與賓客燕游其間若樂而忘檢者至持  
官奉親特嚴以孝縣吏皆粗黠分巡縣中閒遺此批曰

此官物吾不可以私。盡易錢輸之庫。周宜人病痢。封股肉和藥以進。痛父以食芋。蓮疾終其身。不忍食芋。宦游四方。必奉像。櫛懸之。祭則展拜以泣。比病不能言。數引手上指像。忽自墜。其僕曰。得非欲奉以行乎。領之而逝。年六十有三。初。北之至嶺南也。勤於其官。按行郡邑。觸冒毒瘴。遂患癘。比爲叅政會。天子有事安南。治益勤。旣疾革。猶日命吏抱文書置榻前。卧閱之。故以羸卒。禮部尚書兼翰林院學士汪振宗銓。

汪銓字振宗。鄞人。年十四。以戴記游於泮宮。鄞諸生故。

善易者爲戴記者鄆之有戴記自鍾始故鄆有汪氏禮  
嘉靖甲午顧賢書丁未成進士改翰林院庶吉士授編  
修命教內書堂內書堂者諸少閣所業也鍾每爲談小  
雅巷伯以下保其專良之志多信悅者考滿陞侍讀管  
理文官誥勅陞左春坊左諭德出視南翰林篆尋署南  
國子監事留都士騶佚鍾飭規勵行六館之士蠲典甲  
子召還復管文官誥勅陞國子監祭酒頒五倫條約禁  
止起墓及清廩餼之乾沒者以給諸生廸行敦誨文教  
一新擢南京工部侍郎 莊皇帝御極大典錄成陞俸

一級歷晉南京禮部右侍郎尋召北爲禮部右侍郎管  
國子監事克經筵講官癸酉純皇帝初御經筵陞左  
侍郎兼翰林院侍讀學士回部管事隨克實錄副總裁  
兩朝實錄成陞禮部左侍郎尋晉尚書兼翰林院學士  
如故五疏乞休給馳驛歸鍾天性疑雅斤矩獲寡育  
笑無町畦可尋起詞科三十餘年在嘉靖時方沉濁不  
可以莊語而鍾優游奉璋索筆之事不爲感激悲歌之  
態亦終無黥染隆萬來雅意獻納一稟於仁義上嘗  
虛已聽納乞休之疏歲有蓋自謂器非適時思抗域外



之想耳。上篤念老成，增恤綢繆甚厚，雅志未遂，夙疾止足，可不謂善始善終哉！卒年七十有七。守臣以聞，禮部上議，賜祭二壇，遣行人管葬事，贈太子少保，諡曰文。福建左叅政馮明卿，字臯謨。

馮，字臯謨，明卿，海鹽人。嘉靖庚戌進士，授刑部雲南司主事，歷員外郎，恤刑江南，多所平反。秩滿陞江西按察司僉事，攝九江。時東夷寇吳越，川廣兵調過九江，橫其臯，廉得首將名，令勒卒歸伍。士民迄安堵，旣而攝湖廣分宜令中兒多怙勢不法，臯悉縛置之獄。當是時，廣東

倭夷盜寇與潮賊並發而大盜張璉復崛起張甚視諸  
藩最多事會臯以久次當徙分宜遂以舊銜陞廣東  
布政司奉議事董潮潮具事當事者稔知臯才卽詢制  
禦之策臯曰璉等若與倭寇合則兵不易戢今莫若先  
救海寇使得自效與同力達倭倭遁然後會兵大征一  
舉而璉等可擒也當事以爲然亟表臯行副使事盡以  
兵事屬臯於是海寇許朝光林道乾王伯宜等悉爲臯  
教命而倭連挫伯宜者機智尤雄時官兵與倭相持三  
河日久臯密出手書招伯宜立功伯宜素服臯威信聞

命卽至。臯喜降階慰勞，立賜卮酒，授以旗牌，簡募精兵千人，詭爲僞張，夜駕輕輦疾至三河，先佈鐵蒺藜，令死士數人從山後登臨高岡，發哨吹簫，俟衆倉惶驚竄盡，觸蒺藜扶傷而戰，自辰至午，死者大半，遂解三河之圍。甲子四月，集水陸師屯萬於廣州，分爲五哨，食糗平詔安二哨爲七，臯以烏雞哨居中，兼調之。赴期，向饒平縣，賊程鄉出，將事自敗，懷其重鎗，中洞洞，言食盡，將甘酒，齊餉者，臯謂之，車騎遂進，至一村，大呼曰：「我爲副使，毋害兵，薄賊且暮，且破而食，若輩能相佐乎？」村民聽臯。

德爭相私帑得米數百石羊豕數百頭師乃大安五月  
丁亥國饒平軍於大埔諸將請攻璉臯曰不可攻璉則  
堅者假先襲蕭雪峯擒之璉窘乞撫臯僞許之而陰勒  
大兵迭進遂擒璉斬首千餘級招安脅從數萬人捷聞  
實授副使賜以金幣遷福建左叅政時論平廣功擬臯  
開府而分宜銜臯不置竟不果未幾謝政歸歸三十餘  
年杜門著書累薦不起卒年七十五所著有居閒集白  
雀園漫稿行於世

右春坊右諭德屠文升應峻

子仲律叔芳孫謙歲大  
壯附

屠應峻字文升康僖公第六子也少疎朗曠達不繩細行一出語輒驚其先輩初以父蔭入太學既而見其兄應垣應坤皆列方面金紫耻獨以閎恩貴乃力學自苦嘉靖乙酉舉應天鄉試第二人明年第進士選翰林庶吉士峻自負雋倬意不可一世人而屬中秘清燕羅百氏言盡讀之其學日益闢大窮變爲文比事屬辭陳誼類情縱橫子史經傳而宗本子長詩法沈澗百家意有獨至而陰搃其勝於衆人沿襲之外故自名公大家無不傾已下之同時有吳中袁永之四明陳約之錫山華

子潛晉江王道思皆一時勝流。堦與之友。日相引上。正其議論。又館中諸吉士。盡負才名。與堦雁行列。而堦實銜官命之方。其若常賦詠人。擅其長。皆矜用。以爲美。及堦脫稿出。羣萃而讀之。則人人自失矣。當是時。張文忠初得君。好變易典制。諸吉士皆少年。負氣不能屈。往往抗視閣臣。文忠怒。盡黜諸吉士。堦授刑部主事。調禮部主事。歷儀制郎中。諸郊廟典禮。多所裁定。改翰林修撰同校。列聖訓錄。歲賜宴。謹身殿。仍賜金幣。進侍讀。尋轉右春坊右諭德。列表乞休。踰四三上。始得請歸。即

疾作數年不能起先是交趾弗靖不臣貢者且二十年  
所詔廷臣議才望者使往諭廷臣議以堧應詔堧奮然  
曰人臣無橫草之功侍講得奉使命當宜 天子威  
聲萬里外吾之願也而嚴乃寢不行然而堧志亦壯矣  
堧生平好爲奇節豪氣夙發飲酒百鐘不醉又好內後  
庭多稚齒嫠婦之人梳文之暇則御之後居官十五六  
年大致如此或云欲令捐真堧疾則宜也藉令不病則  
不自廢退卽病能勉坊局則六七年間亦可遂躋台閣  
卒以病廢病亦遂卒長筭屈於短日可勝惜哉所著有

蘭暉堂集行於世子仲律廬州知府叔芳山東副使孫  
謙山東副使蒙甲子省試貢士大壯戊子順天鄉試貢  
士

廣東右叅政管道夫見

管見字道夫餘姚人嘉靖丙戌進士授常州府推官風  
檢嚴峻見理速而持事堅樞勢不可動程蒞任未幾豪  
強斂迹諸當道有疑事累年不決者必以屬見見一鞠  
無遺情以治最召拜吏科給事中尋轉兵科左監  
陵大工時戶工二部建議加賦以佐工費見執環極陳



利害以爲不可

上是之仍黜建議者海內陰被其澤

未幾轉戶科都給事中以疾乞歸尋起補禮科辛丑正

旦日食

上召輔臣暨大宗伯偕禮科諸給事集便殿

議朝賀應否衆猶豫不敢決見議朝賀宜擇日行明

皇上敬天之意

上嘉允之明年擢廣東右叅政廣地

故多貨寶見冰蘗自持皤然無毫髮之染無何引疾歸

足跡不入城府日以睦族善隣明農教子爲事臺使者

屢疏薦起之卧不應葺草堂於峽山之間以耕釣自老

卒之年七十有二

廣東按察副使王育德叔果

祖鉦父澈附

王叔果字育德其先世琅玕及宋有惠者徙永嘉遂爲永嘉人凡七傳而爲封公鉦果之王父也鉦二子長澈官福建左參議而仲子澈至國子祭酒澈娶潘恭人年四十餘未舉子得異夢始舉果果生而英異七歲能語十三補博士弟子未幾薦鄉書高等嘉靖庚戌成進士授兵部職方司主事以使事歸省而倭寇海上族從所謂給事德者從義兵與角不勝死之族烏獸竄果與弟杲謀曰不早爲備胥將無族矣亟還朝上書願以家

秦爲賊堡以捍賊而完其族報可時果猶在公車不復  
詣請與果捐秦而躬畚耜之役堡成賊有環睨而已至  
今賴之歷員外郎郎中出閔視鎮兵請罷昌平帥歲  
省以萬計改武選郎中武選最爲猥雜號吏數果至當  
注選與諸僚精覈而次第之吏不得有所負宿弊若洗  
滌六載以不謁分宜僅遷湖廣布政司右參議治荆西  
刑西爲承天德安二郡承天世廟故邸也有先皇  
之塋在而德安爲景恭王初封國而地中貴戚畹爭挾  
重色肉赤子爲業果一切引之以禮不聽則裁之以法

竟果任相戒無敢犯者會分宜敗吏部以果舊資重  
一歲餘擢廣東按察司副使時廣數中倭大司馬以果  
屏恐不能勝軍旅而重其文疏請以內地學政處之吏  
部知其指數果歸里聽用果喜曰司馬知我唯太宰亦  
知我遂杜門不復出家世素封而雅不問產聽子弟處  
之了不知也日食不能時二簋資以蔬筍間一阻膈食  
乾脯衣僅布素或三泔破則縫之姬姜粉黛一不以入  
目過亦如無日生不曉名儉寧論奢性一切無所嗜顧  
獨嗜書無一日不讀書於子史百家下及稗官黃衣之

說靡所不決而其用專精者賄六經性理之學所著有  
永嘉縣志十卷半山藏稿二十卷

湖廣布政司右參議蔣汝才勸能

蔣勸能字汝才餘姚人臨江太守坎之子年少善屬文  
補己弟子員以貴入太學登嘉靖乙丑進士第授行人  
擢禮部祠祭司主事是時署中多知名士共訂讀書約  
欲兼通今古先讀經濟錄吾學編次乃讀左氏傳龍門  
班范諸史各以意加評點十日爲期公退時集署中各  
據所讀帙來直會者一人朗誦遇有疑則共相辯論

能沉細不爲枝蔓談衆方兢辯時勸能默聽之間出一語輒中的尋擢精膳郎出爲湖廣布政司右參議分轄衡永其治以慈惠爲本不屑屑求名而仁澤及民者甚多零陵有要人氣焰甚張宦楚者多屈意奉之屢以事干不爲意遂誣構之中白簡鐫一級歸又明年楚直指復加重劾直指臨江人也屬父坎舊治或有宿嫌未可知而勸能遂不復言仕矣永州龍興寺有息壤柳子厚嘗記之謂隆然負磚甃而起者步四步高尺五寸始爲堂也夷之而又亭凡持錘者盡死由是人莫敢夷于厚

曰南方多疫勞者先死彼時鍾者其死於勞且役耳土  
烏能神論者以爲然勸能在水時彼要人欲攘此寺爲  
宅郡邑皆唯唯勸能獨持之不與及歸而地竟屬彼土  
功與執鍾者八人一日死未幾彼要人亦卒宦永者遺  
勸能書曰使公早與之則向時彼已死無能害公矣聞  
之者無不驚惟以爲奇按息壤有二一甘茂盟處一卽  
此所云鯨竊以堙洪水者未知孰是觸者死前後皆符  
然則理誠不可曉子厚以勞疾當之者亦臆說也勸能  
家居好讀書所著有姚邑賦詩文集若干卒年六十八